



Inatsisartunut ilaasortaq Peter Olsen, Inuit Ataqatigiit

**§ 37 naapertorlugu apeqquteqaammut nr. 212-2020-mut akissut –
aatsitassanut ikummatissanullu inatsimmi § 29, imm. 4 pillugu**

Asasara Peter Olsen

Inatsisartut suleriaasianni § 37, imm. 1 naapertorlugu, aatsitassanut ikummatissanullu inatsimmi § 29, imm. 4 pillugu Naalakkersuisunut apeqqutit matuma kingulianiittut saqqummiuppatit, taakkualu matumuuna akissuteqarfigineqarput.

1. Aatsitassat pillugit ingerlatallu tamatumunnga pingaarutillit pillugit inatsisartut inatsisaat (aatsitassanut ikummatissanullu inatsit) allanngortinneqarneranik Inatsisartut inatsisaat nr. 34, 28. november 2016-imeersoq naapertorlugu kisermaassisussaataitanani annikitsukkuutaamik aatsitassarsiorsinnaanermut akuersissummi § 34a-mi oqaaseq ”allat”, Aatsitassat pillugit ingerlatallu tamatumunnga pingaarutillit pillugit Inatsisartut inatsisaata (aatsitassanut ikummatissanullu inatsit) allanngortinneqarnissaa pillugu Inatsisartut inatsisaat nr. 39, 28. november 2019-imeersoq naapertorlugu § 29, imm. 4-mi ilaannginnera Naalakkersuisut uppernarsarsinnaavaat?

Akissut:

Piiaanissamut akuersissut malillugu sumiiffimmi akuersissuteqarfiusumi aatsitassanut tunngatillugu allat aatsitassarsiorlutik ingerlataannit, piiaanissamut akuersissutit malillugit pisinnaatitsissummik pigisaqartut akornuserneqannginnissaasa, killilersorneqannginnissaasa imaluunniit allatut sunnernerlunneqannginnissaasa qulakkeernissaa, aatsitassanut ikummatissanullu inatsimmi § 29, imm. 4-imi aalajangersakkamut siunertaavoq. Aalajangersagaq aatsitassat ataatsimut isigalugit aatsitassarsiorluni ingerlataqarnernut tunngassuteqarpoq.

Aatsitassanut ikummatissanullu inatsimmi § 34 a-mi aalajangersagaq kisermaassisussaataitanani annikitsumik aatsitassarsiornermumut akuersissutinut immikkuullarissumik maleruagassiiviuvoq. Aatsitassanut ikummatissanullu inatsimmi § 34 a-mi aalajangersagaq immikkuullarissunut inatsisit (lex specialis) pillugit inatsisilerinermi tunngaviusut malillugit, taassuma kingusinnerusukkut

05-01-2021
Suliap nr. 2021 - 14

Postboks 930
3900 Nuuk
Tlf. (+299) 34 68 00
Fax (+299) 43 02
E-mail: an@nanoq.gl
www.naalakkersuisut.gl

inatsisip allanngortinneqarneraneersuunera apeqquaatinnagu, aatsitassanut ikummatissanullu inatsimmi § 29, imm. 4-imit salliusussaavoq.

Aatsitassanut ikummatissanullu inatsimmi § 34 a malillugu inatsisitigut inissisimanerup atuuttup allanngortinneqarnissaa aatsitassanut ikummatissanullu inatsimmi § 29, imm. 4-imi siunertaanngilaq. Piiaanissamut akuersissutit malillugit pisinnaatitsissummik pigisaqartut, pisinnaatitsissummik pigisaqartunit akuersissutit allat malillugit ingerlatassaminnik suliaqartunit akornuserneqarnissamut illersorneqarnissaat, aatsitassanut ikummatissanullu inatsimmi § 29, imm. 4-imut siunertaammat, tassani eqqarsaatigineqarpoq. Taamaalilluni piiaanissamut akuersissut malillugu pisinnaatitsissummik pigisaqartumit akuerineqarluni § 34 a malillugu annikitsumik aatsitassarsiorinissamut akuersissutit malillugit ingerlatassat suliarineqarsinnaanerit suli periarfissaasussaavoq, taamaattoq ingerlatat piiaanissamut akuersissummi ingerlatassat malillugit pisinnaatitsissummik pigisaqartoq ingerlatassanit akornuserneqarsinnaassapat, akuersiumanninnissaq suli periarfissaqartussaavoq.

Kisernaassisussaataitanani annikitsumik aatsitassarsiorinissamut akuersissutit taamaalillutik, aatsitassanut ikummatissanullu inatsimmi § 34 a malillugu piiaanissamut akuersissut malillugu pisinnaatitsissummik pigisaqartumit akuersissuteqartoqarsimatillugu, aatsitassanut ikummatissanullu inatsimmi § 29, imm. 4-imi oqaatsimi "allat" ilaatinneqassanngillat.

Inussiarnersumik inuullaqquusillunga

Jens Frederik Nielsen